

GIORNO ZERO  
(iera el 24 febbraio 2020)

Xe successo cussì, al'improvviso,  
nissun se l'aspetava  
niente preaviso:  
“xe poco più de un'influenza”....  
se diseva.  
Xe passà due mesi: esercito, alpini, polizia  
e tuto el mondo,  
contagiado e sbalordito, pianzi:  
xe pandemia.  
Covid – 19, vol dir paura, impotenza e morte;  
bisogna star a casa,  
questa xe la sorte che, a tuti quanti speta,  
no esisti differenze,  
né raccomandazioni, né preferenze  
.....democrazia completa!  
El vacino xe sconossudo: i scenziati disi:  
...”semo ancora qua a studiar...  
....e se te insisti e te v`a in giro,  
xe tragico, ma se te pol infetar....”  
Deserte le cità, grige, spetrali,  
negozi, ristoranti e bar  
tuti seradi;  
xe poco cossa far,  
nissun lavora, in strada no xe un can,  
tuti a casa, le man in man!  
La sera però, se verzi le finestre  
e, dai pergoli e terrazze,  
fioi, veci, giovani e ragazze,  
forsi per scaramanzia,  
se ostenta una sorta de alegria:  
“Fratelli d'Italia,  
...l'Italia s'è desta.... dov'è la Vittoria....  
...siam pronti alla morte,  
l'Italia chiamò”.  
(Sula pele i brividi, le lagrime nel cuor,  
creado l'Inno,  
l'Italia tuta, se emozionò.....)  
La gente lo canta, l'Inno de Mameli,  
e sventola il nostro Tricolor,  
le restrizioni xe crudeli,  
ma l'italian reagissi  
perchè, dentro, ghe xe l'ardor.....!  
Semo ormai in guera: dotori e infermieri  
in prima linea,  
stremadi e fieri, i continua  
con bravura ed eroismo:  
le sole armi per l'altruismo!  
Bardadi con: mascherine, tute, calzari e guanti  
i par dei Astronauti....

quanta passion e amirazion!  
Prudenza e audacia fa de voi  
i nostri impavidi, valorosi eroi!  
Tuti i altri xe in trincea,  
soli e isoladi  
niente basi, no abbraci, né carezze,  
semo tuti disperadi!  
Paghemo, forsi, i nostri sbagli e nefandezze?!  
Ogni giorno se conta  
i positivi, i guaridi e i morti;  
i più forti se salva in quarantena ma,  
de note, se forma una catena  
de camion militari  
che porta via le bare.  
Con, impizzai tuti quanti i fari,  
se manda l'ultimo saludo, ale persone care;  
questo xe el loro funeral....  
che riposino in pase.....lassù sarà più bel!  
Il quel giorno che pioveva,  
el Santo Padre, tuto solo,  
sul Sagrado de San Pietro,  
l'andava pian,  
fin davanti al Crocefisso.  
Po', el ghe ga basà i piedi. In quel gesto, se vedi  
la speranza, la fede, la carità e,  
umile e devoto, insieme a Lui, el gà pregà.  
Sonava, in lontananza, le campane e,  
in mezzo, se sentiva l'ambulanza  
e, el fisciar dele sirene.....  
“Signore, perdona i peccati del mondo....”  
Lui ascoltava, china la testa  
....noi ti chiediamo, dal più profondo,  
non lasciarci soli.....  
nella tempesta”.

Trieste, 4 aprile 2020.

Flavia Pilastro